



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 27. Anastasius depositus. Theodosius. Leo. Imperatores.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

nopolitani, Michaelae Presbytero, & Se-  
 dis Apostolicæ Apocrifario, aliisque Epis-  
 copis & Presbyteris præsentibus, Artemio  
 Imperatore regnante. Germanus filius  
 erat Justiniani Patricii, quem Impera-  
 tor Constantinus Pogonatus parenti suo  
 Constanti illatæ necis conscium interfi-  
 ci, & Germanum evirari jufferat.

Sæcul. VIII.  
 A. C. 715.

An. Zonar.  
 Lib. 14. n. 22.

## §. XXVII.

*Anastasius depositus. Theodosius,  
 Leo. Imp.*

Ovalido Musulmannorum Califæ, post-  
 quam regnasset annis novem & octo  
 mensibus, anno Hegiræ 95. Jesu Christi  
 715. mortuo, Solimannus frater succes-  
 sit. Is bellum maritimum in Romanos  
 meditabatur; qua re cognita Anastasius  
 Imperator, ut hostis molimina antever-  
 teret, classem strenue paravit, eique Jo-  
 annem magnæ Ecclesiæ Diaconum tunc  
 Logothetam, seu præcipuum ærarii Cu-  
 stodem, præfecit. Verum milites Præ-  
 torii, quod *obsequium* dicebatur, in qui-  
 bus totius exercitus robur erat Rhodi,  
 quo copiæ omnes confluere oportebat,  
 ab Imperatore deficientes Joannem Dia-  
 conum interfecerunt. Mox dissipatur  
 classis, & rebelles in ipsa profectioe Con-  
 stantinopolim constituti, cum Adramy-  
 tam in Natolia pervenissent, ibi Redem-  
 ptorem

Elmac. c. 13.  
 14. Theoph.  
 an. 2. Artem.  
 p. 322.



Sæcul. VIII. ptorem reddituum publicorum, nomine  
 A. C. 716. Theodosium, virum quietis amanti-  
 mum, Ducem suum esse compellunt, Im-  
 peratorem pronunciant, & Civitatem  
 Constantinopolitanam ejus potestati tra-  
 dunt. Anastasius viribus inferior, cu-  
 cullo se abdidit, & Thessalonicam per-  
 ductus est, postquam annis duobus &  
 novem mensibus imperasset.

Theodosius æque ac Anastasius Fidem  
 Catholicam profitebatur; sed non ultra  
 annum & menses duos imperavit; nam  
 Leo, Præfectus exercitui in Provinciis  
 Orientis, qui adhucdem Artemio seu  
 Anastasio fidem servabat, illasque Regio-  
 nes contra Musulmannorum *incurfus* tue-  
 batur, usque ad urbem Nicomediensem  
 progressus, cepit filium Theodosii Impe-  
 ratoris. Is se viribus imparem sentiens  
 cum Germani Patriarchæ & Senatus ex-  
 petiisset consilium, eique Leo securita-  
 tem esset pollicitus, Imperio cessit. Tom-  
 que ambo Pater & filius, suscepto Cleri-  
 cali ordine, reliquos vitæ dies in pace  
 transegerunt. Theodosius Ephesi obiit,  
 jussitque sepulchro suo inscribi vocem  
*Hygeya*, græce *Sanitas*. Non nulli  
 xerunt, ibi miracula fuisse edita. Ita  
 que Leo vigesimo quinto Martii, anno  
 717. Imperator proclamatus, annis ve-  
 ginti quatuor regnavit. At per conti-  
 nuas vicissitudines Civitatis Constantino-  
 politanæ

*Theo. p. 327.*

*Cedr. tom. I. p. 450.*

*S. Niceph. p. 34.*



politanae & totius Imperii accisae sunt vi-  
res. Non modo litterarum studium, sed  
& Disciplinae militaris vigor periit. Cæ-  
des, latrocinia, direptiones, captivitates,  
civitatum obsidiones omnes Provincias  
turbabant. Ubique hostes impune graf-  
sabantur, Musulmanni ipsius urbis Con-  
stantinopolitanae portis insultabant.

Sæcul. VIII.  
A. C. 716.

§. XXVIII.

*Clerici militantes.*

Interim Longobardi Italiam depopula-  
bantur. Violata pace Cumas occu-  
paverant, & permoveri non poterant,  
ut restituerent, quantumvis Gregorius II.  
Papa instaret. Iram Dei denunciabat fi-  
dem datam dolose frangentibus, & ma-  
gna dona offerebat, si captam urbem  
redderent. Cum nihil efficeret, indo-  
luit quidem Papa, sed in Deo confidens,  
datis litteris ad populum Neapolitanum  
& Joannem Ducem, qui Pontificis man-  
datis obtemperans ibi præsidiariis impe-  
rabat, (\*) ad edendum fortitudinis spe-  
cimen excitavit. Ergo Neapolitani eo-  
dem

(\*) Hic iterum dispicimus, qua ratione SS.  
Pontifices sensim terrenum Principatum in has  
Provincias sint consecuti. Hodieque utriusque  
Siciliae Reges SS. Pontificibus præter fixum So-  
lidorum numerum etiam Tolutarium in singulos  
annos Clientelaris obsequii titulo offerunt.